

Аллоҳни ҳақиқий маънода танувчи кишининг аломати



15:30 / 22.05.2021 3015

Имом Шиблий роҳимаҳуллоҳдан, Аллоҳни ҳақиқий маънода танувчи кишининг аломати ҳақида сўрашди. Шунда у киши: «Кўкси кенг, қалби мажруҳ, жисми ташлаб қўйилган, улоқтирилган кишидир», деб айтдилар.

Орифнинг аломати ва сифатлари нима? дейилганда, у киши: «Ориф - Аллоҳ таолони Қуръон ва суннатда келганидек таниб, Аллоҳнинг буйруқларига амал қилиб, қайтариқларидан қайтган, Аллоҳнинг бандаларини Аллоҳ муҳаббатига ва Унга яқинлашиш, қурбатга чақирган кишидир», дедилар.

Шунда у кишига: «Орифни билдик, сўфий ким?» деб айтилди. У киши: «Сафолик устига жун кийим кийган, Мустафонинг йўлларига тушган, дунё ва унинг шаҳватини орқасига улоқтирган, ҳавои нафсига жафо таъмини

тоттирган кишидир», деб жавоб бердилар.

Сўфини билдик, тасаввуф нима? деб айтилди. Шунда у киши: «Аллоҳнинг амрини улуғлаш, Расулуллоҳ соллаллоҳу алайҳи васалламга иқтидо қилиш ва Аллоҳнинг бандаларига раҳм шафқат кўрсатиш», дея жавоб бердилар.

Манба: arabic.uz